



GRADONAČELNIK

Broj: 07-880/26

Datum: 27.04.2026.godine

Gradonačelnik na osnovu člana 69. stav (2) tačka d), člana 70. stav (1) i stav (4) Zakona o javnim nabavkama ("Službeni glasnik BiH", broj: 39/14, 59/22 i 50/24) (dalje: Zakon), članova 37. i 139. Statuta Grada Srebrenik ("Službeni glasnik Grada Srebrenik", broj: 1/24), a na preporuku Komisije za javnu nabavku po Zapisniku o pregledu i ocjeni ponude broj: 07-880/26 od 16.04.2026.godine za javnu nabavku usluge održavanja gradskih fontana u gradu Srebrenik za 2026. godinu, donio je:

ODLUKU O PONIŠTENJU POSTUPKA

I
Poništava se otvoreni postupak za javnu nabavku usluge održavanja gradskih fontana u gradu Srebrenik za 2026. godinu, a u skladu sa članom 69. stav (2) tačka d) Zakona, jer nijedna od primljena ponuda nije prihvatljiva.

II
U skladu sa članom 70. stav (6) Zakona o javnim nabavkama, Grad Srebrenik će ovu Odluku objaviti na svojoj internet stranici: www.srebrenik.ba

OBRAZLOŽENJE

Odlukom o pokretanju postupka za javnu nabavku usluge održavanja gradskih fontana u gradu Srebrenik za 2026. godinu, broj: 07-880/26 od 27.03.2026. godine, pokrenut je postupak nabavke predmetne usluge. Javna nabavka je provedena putem konkurentskog zahtjeva, a kriterij za dodjelu ugovora je najniža cijena.

Ukupna procijenjena vrijednost nabavke iznosi 8.547,00 KM (bez PDV-a).

Obavještenje o nabavci predmetne usluge objavljeno je na Portalu javnih nabavki dana 01.04.2026. godine pod brojem: 761-7-2-32-3-63/26 i sažetak obavještenja o nabavci, objavljen u „Službenom glasniku BiH“ broj: 25/26 dana 03.04.2026.godine. Tenderska dokumentacija objavljena je zajedno sa navedenim obavještenjem.

U krajnjem roku za dostavu ponuda, dostavljene su sljedeće ponude:

1. JP VODOVOD I KANALIZACIJA "SREBRENİK" d.d. Srebrenik, broj ponude: 04-675/26 od 10.04.2026. godine u iznosu od 8.547,00 KM (bez PDV-a);
2. "NEDIX PROM" d.o.o. Srebrenik, broj ponude: 150-1/26 od 10.04.2026. godine u iznosu od 8.545,00 KM (bez PDV-a).

Uvidom u dostavljenu ponudu ponuđača **JP VODOVOD I KANALIZACIJA "SREBRENİK" d.d.**



Srebrenik, Komisija je konstatovala da ponuđač nije dostavio izjavu za garantni rok iz tačke 7.4. tenderske dokumentacije i to: „Garantni rok za ugrađenu opremu je godinu dana po ugradnji.“
Zbog navedenog nedostatka ponuda ponuđača **JP VODOVOD I KANALIZACIJA “SREBRENİK”** d.d. Srebrenik ocjenjena je kao **nepravilna, jer nije u skladu s tenderskom dokumentacijom**, u vezi sa članom 2 stav (1) tačka 1) alineja 3) Zakona o javnim nabavkama, te se odbacila jer **nije potpuna i ne ispunjava zahtjeve iz tenderske dokumentacije, a u skladu sa članom 68 stav (4) tačka i) Zakona o javnim nabavkama.**

Uvidom u dostavljenu ponudu ponuđača **“NEDIX PROM” d.o.o. Srebrenik**, Komisija je konstatovala da je ponuđač dostavio Aktuelni izvod iz sudskog registra kao dokaz sposobnosti za obavljanje profesionalne djelatnosti, međutim ponuđač ne posjeduje djelatnost koja je u vezi sa predmetnom nabavke. Naime, predmet nabavke ne podrazumijeva samo čišćenje fontana nego i održavanje i servisiranje fontana, koje podrazumijeva: pregled pumpi, nabavku i zamjenu pumpi na fontani, nabavku i ugradnju česmi na fontani, nabavku ugradnju flex cijevi za dovod vode, nabavku i ugradnju plovka za regul. nivoa vode u fontani te nabavku i ugradnju sijalica. Ponuđač dakle nije postupio u skladu sa tačkom tenderske dokumentacije 3.2. Sposobnost obavljanja profesionalne djelatnosti i to: „Kao DOKAZ kojim se potvrđuje ispunjavanje uslova ponuđači trebaju dostaviti Rješenje o upisu u sudski registar ili (Aktuelni) izvod iz sudskog registra ili posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke.“

Zbog navedenog nedostatka ponuda ponuđača **“NEDIX PROM” d.o.o. Srebrenik** ocjenjena je kao **neprihvatljiva, jer ne ispunjava kriterije za kvalifikaciju privrednog subjekta**, u vezi sa članom 2 stav (1) tačka 1) alineja 2) Zakona o javnim nabavkama, te se kao takva odbacila.

Obzirom da su ispunjeni uslovi za poništenje postupka javne nabavke u skladu sa članom 69. stav (2) tačka d) Zakona o javnim nabavkama, tj. da nijedna od primljenih ponuda nije prihvatljiva, Komisija je predložila rukovodiocu ugovornog organa da, u skladu sa članom 70. stav (1) i stav (4) ZJN, donese Odluku o poništenju postupka javne nabavke.

Na osnovu svega naprijed navedenog, ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od 3 (tri).

Dostavljeno:

1. Ponuđaču 2x
2. Službi za prostorno uređenje i zašitu okoline
2. Budžetu
3. Evidenciji,
5. Arhivi

GRADONAČELNIK

Adnan Bjelić

